

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԵՐԵՎԱՆ ՔԱՂԱՔԻ ԱՎԱԳԱՆԻ

«---» հոկտեմբերի 2015թ.

N-----Ա

ՈՐՈՇՈՒՄ

ԵՐԵՎԱՆ ՀԱՄԱՅՆՔԻ ՍԵՓԱԿԱՆՈՒԹՅՈՒՆ ՀԱՄԱՐՎՈՂ ԲՆԱԿԱՐԱՆՆԵՐՆ ԱՆՀԱՏՈՒՅՑ ՕՏԱՐԵԼՈՒ ԵՎ ՓՈԽԱՆԱԿԵԼՈՒ ՄԱՍԻՆ

Ղեկավարվելով Հայաստանի Հանրապետության քաղաքացիական օրենսգրքի 34-րդ գլխի կանոններով, Երևան քաղաքի ավագանու 2014 թվականի դեկտեմբերի 23-ի «Երևան քաղաքի սեփականություն համարվող գույքն օգտագործման տրամադրելու և օտարման 2015 թվականի ծրագրի վերաբերյալ» հ.270-Ն որոշմամբ հաստատված հավելվածի 3-րդ կետով՝

Երևան քաղաքի ավագանին որոշում է.

1. Թույլատրել Երևանի քաղաքապետին Երևան համայնքի սեփականությունը համարվող թվով 29 (քսանինը) բնակարաններն անհատույց օտարել (նվիրել) կից հավելվածում նշված քաղաքացիներին:

2. Թույլատրել Երևանի քաղաքապետին Երևան համայնքի սեփականություն հանդիսացող սույն որոշման հավելվածի 26-րդ տողում ամրագրված բնակարանը փոխանակել Հովհաննես Ավանեսյանին և Թամարա Ավանեսյանին ընդհանուր համատեղ սեփականության իրավունքով պատկանող Շիրակի փողոցի հ.2ա շենքի հ.218, 216 բնակարանի հետ:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

Տ Ե Ղ Ե Կ Ա Ն Ք - Հ Ի Մ Ն Ա Վ Ո Ր ՈՒ Մ

«ԵՐԵՎԱՆ ՀԱՄԱՅՆՔԻ ՄԵՓԱԿԱՆՈՒԹՅՈՒՆ ՀԱՄԱՐՎՈՂ ԲՆԱԿԱՐԱՆՆԵՐՆ ԱՆՀԱՏՈՒՅՑ ՕՏԱՐԵԼՈՒ ԵՎ ՓՈԽԱՆԱԿԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ՄԱՍԻՆ

Ներկայացվող նախագծով նախատեսվում է բնակարանների տրամադրում թվով 30 (երեսուն) ընտանիքների: Նշված թվով 30 ընտանիքից 28-ը՝ ծառայողական պարտականությունների կատարման ժամանակ զոհված (մահացած) կամ զինվորական ծառայության ժամանակ վնասվածքներից, խեղումներից և առաջացած հիվանդություններից հաշմանդամ դարձած զինծառայողների (ազատամարտիկների) խիստ կարիքավոր ընտանիքներն են, որոնց, Հայաստանի Հանրապետության պաշտպանության նախարարության սոցիալական ապահովության խնդիրներ իրականացնող ստորաբաժանման կողմից տրվել է զոհվածի (մահացածի) ընտանիքի անդամի կամ հաշմանդամի կարգավիճակը հավաստող տեղեկանք: Այս ընտանիքները մինչ այս պահը տարբեր ժամանակահատվածներում Հայաստանի Հանրապետության կառավարության 2005 թվականի հունիսի 9-ի հ.947-Ն որոշմամբ հաստատված կարգի շրջանակներում, որպես զոհված (մահացած) կամ հաշմանդամ դարձած զինծառայողների (ազատամարտիկների) օրենքով սահմանված կարիքավոր ընտանիքներ վերցվել են հաշվառման՝ բնակարանային պայմանների ապահովման նպատակով՝ անհատույց պետական ֆինանսական աջակցություն ստանալու համար: Նշված ընտանիքները հիմնականում չունեն սեփականության իրավունքով իրենց պատկանող բնակելի տարածություն և ապրում են ժամանակավոր կացարաններում, խարխուլ տներում, բնակության համար ոչ պիտանի շինություններում, ազգականների մոտ, ինչպես նաև վարձակալական հիմունքներով կամ համարվում են բնակարանային պայմանների խիստ կարիքավորներ:

Վերոնշյալ ընտանիքների մասով Հայաստանի Հանրապետության պաշտպանության նախարարության կողմից միջնորդություն է ներկայացվել Երևան քաղաքում պետական միջոցների մասնակցությամբ կառուցվող բազմաբնակարան բնակելի շենքերից վերջիններիս բնակարաններով ապահովելու համար:

Մնացած թվով 2 դեպքերով նախատեսվում է բնակարաններ տրամադրել Հայաստանի Հանրապետության և Արցախի սահմանների պաշտպանության համար մղված մարտական գործողությունների ակտիվ մասնակիցներ՝ ազատամարտիկների ընտանիքներին, հաշվի առնելով նրանց բնակարանային խիստ կարիքավորությունը, ինչպես նաև ազատամարտիկների ավանդը հայրենիքի սահմանների պաշտպանության գործում:

Երևանի քաղաքապետարանի կողմից այցելություններ է կազմակերպվել վերոնշյալ թվով 30 ընտանիք, տեղում կատարվել է տեղատեսություն, ուսումնասիրվել է վերջիններիս

բնակարանային պայմանները և ցուցաբերվել է մեթոդական աջակցություն անհրաժեշտ փաստաթղթերի հավաքագրման հարցում:

Ստորև ներկայացվում է որոշման հավելվածում նշված ընտանիքների վերաբերյալ համառոտ տեղեկատվություն.

Քաղաքացի Վարդուհի Նադրյանը հանդիսանում է զինծառայող՝ 1964 թվականին ծնված Ներսես Գրիգորի Բարբարյանի մայրը: Վերջինս 1991 թվականի մայիսի 24-ին զոհվել է Շահումյանի շրջանում մարտական գործողությունների ժամանակ:

Քաղաքացի Վարդուհի Նադրյանը անօթևան է և բնակվում է Նոր Արեշ 46-րդ փողոցի հ.60 հասցեում գտնվող բնակելի տանը, որի սեփականատերը վերջինիս ազգականն է:

Վերջինս, որպես բնակարանային պայմանների բարելավման կարիք ունեցող ընտանիքի, Հայաստանի Հանրապետության կառավարության 2005 թվականի հունիսի 9-ի հ.947-Ն որոշմամբ հաստատված կարգի շրջանակներում 2007 թվականին վերցվել է հաշվառման՝ բնակարանային պայմանների բարելավման նպատակով:

Քաղաքացի Էմմա Շաշիկյանը հանդիսանում է զինծառայող՝ 1948 թվականին ծնված Հարություն Գալուստի Շաշիկյանի այրին: Վերջինս 1992 թվականի սեպտեմբերի 20-ին զոհվել է Լաչինի շրջանում մարտական գործողությունների ժամանակ:

Քաղաքացի Էմմա Շաշիկյանը անօթևան է և բնակվում է Կամարակի 2-րդ նրբանցքի հ.32 հասցեում գտնվող բնակելի տան մի սենյակում, որի սեփականատերը վերջինիս հորեղբոր կինն է:

Տիկին Շաշիկյանը՝ որպես բնակարանային պայմանների բարելավման կարիք ունեցող ընտանիքի, Հայաստանի Հանրապետության կառավարության 2005 թվականի հունիսի 9-ի հ.947-Ն որոշմամբ հաստատված կարգի շրջանակներում 2008 թվականին վերցվել է հաշվառման՝ բնակարանային պայմանների բարելավման նպատակով:

Քաղաքացիներ Արկադի Գեորգիյանը և Գալինա Զարգարյանը հանդիսանում են զինծառայող՝ 1973 թվականին ծնված Ֆուրման Արկադիի Գեորգիյանի ծնողները: Վերջինս 1992 թվականի սեպտեմբերի 29-ին զոհվել է մարտական առաջադրանք կատարելիս:

Քաղաքացիներ Արկադի Գեորգիյանը և Գալինա Զարգարյանը բնակվում են Սիլիկյան թաղամասի հ.42 հասցեում գտնվող քոթեջատիպ տնակում, որը ընդհանուր համատեղ սեփականության իրավունքով պատկանում է իրենց: Նշված քոթեջատիպ տնակի բնակելի մակերեսը կազմում է 17.4 քմ, որում հաշվառված բնակվում են նաև վերջիններիս աղջիկը՝ Ռենա Գեորգիյանը և Արկադի Գեորգիյանի մայրը՝ Փիրուզա Ղարախանյանը:

Վերջիններս, որպես բնակարանային պայմանների բարելավման կարիք ունեցող ընտանիքի, Հայաստանի Հանրապետության կառավարության 2005 թվականի հունիսի 9-ի հ.947-Ն որոշմամբ հաստատված կարգի շրջանակներում 2008 թվականին վերցվել են հաշվառման՝ բնակարանային պայմանների բարելավման նպատակով:

Քաղաքացի Ռիտա Նավոյանը հանդիսանում է զինծառայող՝ 1943 թվականին ծնված Տիգրան Եղիշի Հովհաննիսյանի այրին: Վերջինս 1995 թվականի հունիսի 24-ին զոհվել է Մարտակերտի շրջանում մարտական գործողությունների ժամանակ:

Քաղաքացի Ռիտա Նավոյանը անօթևան է և իր որդեգրած տղայի և աղջկա հետ միասին վարձակալական հիմունքներով բնակվում է Չարենցի փողոցի հ.56 բնակելի տանը:

Վերջինս, որպես բնակարանային պայմանների բարելավման կարիք ունեցող ընտանիքի, Հայաստանի Հանրապետության կառավարության 2005 թվականի հունիսի 9-ի հ.947-Ն որոշմամբ հաստատված կարգի շրջանակներում 2008 թվականին վերցվել է հաշվառման՝ բնակարանային պայմանների բարելավման նպատակով:

Քաղաքացի Գրետա Քիրիզյանը հանդիսանում է զինծառայող՝ 1978 թվականին ծնված Հակոբ Թովմասի Քիրիզյանի մայրը: Վերջինս 1996 թվականի դեկտեմբերի 10-ին մահացել է Նոյեմբերյանի շրջանում ծառայողական պարտականությունները կատարելու ժամանակ:

Քաղաքացի Գրետա Քիրիզյանը անօթևան է և բնակվում է Արտաշատ քաղաքի Բյուրական գյուղում՝ ազգականի տանը:

Վերջինս, որպես բնակարանային պայմանների բարելավման կարիք ունեցող ընտանիքի, Հայաստանի Հանրապետության կառավարության 2005 թվականի հունիսի 9-ի հ.947-Ն որոշմամբ հաստատված կարգի շրջանակներում 2008 թվականին վերցվել է հաշվառման՝ բնակարանային պայմանների բարելավման նպատակով:

Քաղաքացի Մայրանուշ Սարգսյանը հանդիսանում է զինծառայող՝ 1976 թվականին ծնված Կարեն Աշոտի Վարդանյանի մայրը: Վերջինս 1997 թվականի հուլիսի 2-ին մահացել է մարտական առաջադրանք կատարելու ժամանակ:

Քաղաքացի Մայրանուշ Սարգսյանը անօթևան է և իր աղջկա հետ վարձակալական հիմունքներով բնակվում է Վիլնյուսի փողոցի հ.49 շենքի հ.29 բնակարանում:

Վերջինս, որպես բնակարանային պայմանների բարելավման կարիք ունեցող ընտանիքի, Հայաստանի Հանրապետության կառավարության 2005 թվականի հունիսի 9-ի հ.947-Ն որոշմամբ հաստատված կարգի շրջանակներում 2008 թվականին վերցվել է հաշվառման՝ բնակարանային պայմանների բարելավման նպատակով:

Քաղաքացի Ժենյա Տեր-Ստեփանյանը հանդիսանում է զինծառայող՝ 1966 թվականին ծնված Աղավնի Հարությունի Տեր-Ստեփանյանի մայրը: Վերջինս 1992 թվականի հուլիսի 29-ին զոհվել է Լաչինի շրջանում մարտական գործողությունների ժամանակ:

Քաղաքացի Ժենյա Տեր-Ստեփանյանը իր թոռան հետ, որի խնամակալը հանդիսանում է ինքը, և որը ներկայումս գտնվում է զինվորական ծառայության ընթացքում, միասին վարձակալական հիմունքներով բնակվում են Նորքի 9-րդ միկրոշրջանի հ.16ա շենքի հ.3 բնակարանում:

Վերջինս, որպես բնակարանային պայմանների բարելավման կարիք ունեցող ընտանիքի, Հայաստանի Հանրապետության կառավարության 2005 թվականի հունիսի 9-ի հ.947-Ն որոշմամբ հաստատված կարգի շրջանակներում 2009 թվականին վերցվել է հաշվառման՝ բնակարանային պայմանների բարելավման նպատակով:

Քաղաքացի Զինա Բարսեղյանը հանդիսանում է զինծառայող՝ 1961 թվականին ծնված Ռուբիկ Զիվանշիրի Պետրոսյանի այրին: Վերջինս 1992 թվականի օգոստոսի 22-ին զոհվել է Մարտակերտի շրջանում մարտական գործողությունների ժամանակ:

Քաղաքացի Զինա Բարսեղյանը անօթևան է իր աղջկա՝ Ալվարդ Պետրոսյանի հետ միասին բնակվում է Նորքի ուսանողական ավանի 1-ին մասնաշենքի հ.605 սենյակում:

Վերջինս, որպես բնակարանային պայմանների բարելավման կարիք ունեցող ընտանիքի, Հայաստանի Հանրապետության կառավարության 2005 թվականի հունիսի 9-ի հ.947-Ն որոշմամբ հաստատված կարգի շրջանակներում 2009 թվականին վերցվել է հաշվառման՝ բնակարանային պայմանների բարելավման նպատակով:

Քաղաքացի Մարինե Ներսիսյանը հանդիսանում է զինծառայող՝ 1956 թվականին ծնված Վարազդատ Հայաստանի Ավագյանի կինը: Վերջինս 2009 թվականի նոյեմբերի 13-ին մահացել է ՀՀ սահմանների պաշտպանության ժամանակ ստացած կոնտուզիայի հետևանքով:

Քաղաքացի Մարինե Ներսիսյանը անօթևան է և իր երկու անչափահաս երեխաների հետ բնակվում է Շենգավիթ 14-րդ փողոցի հ.22 հասցեում գտնվող բնակելի տանը, որի սեփականատերը վերջինիս ազգականն է:

Վերջինս, որպես բնակարանային պայմանների բարելավման կարիք ունեցող ընտանիքի, Հայաստանի Հանրապետության կառավարության 2005 թվականի հունիսի 9-ի հ.947-Ն որոշմամբ հաստատված կարգի շրջանակներում 2010 թվականին վերցվել է հաշվառման՝ բնակարանային պայմանների բարելավման նպատակով:

Քաղաքացի Արմիկ Հակոբջանյանը հանդիսանում է զինծառայող՝ 1932 թվականին ծնված Սպարտակ Աշոտի Հակոբջանյանի կինը: Վերջինս 1995 թվականի հունվարի 14-ին զոհվել է Մարտակերտի շրջանում մարտական գործողությունների ժամանակ:

Քաղաքացի Արմիկ Հակոբջանյանը իր երկու տղայի և հարսի հետ վարձակալական հիմունքներով բնակվում է Անդրանիկի փողոցի հ.10 շենքի հ.44 բնակարանում:

Վերջինս, որպես բնակարանային պայմանների բարելավման կարիք ունեցող ընտանիքի, Հայաստանի Հանրապետության կառավարության 2005 թվականի հունիսի 9-ի հ.947-Ն որոշմամբ հաստատված կարգի շրջանակներում 2010 թվականին վերցվել է հաշվառման՝ բնակարանային պայմանների բարելավման նպատակով:

Քաղաքացի Անուշ Հայրապետյանը հանդիսանում է ՀՀ նախագահի և բարձրաստիճան պաշտոնատար անձանց անվտանգության վարչության նախկին աշխատակից Անդրանիկ Էդիկի Հայրապետյանի այրին: Վերջինս 1992 թվականի մարտի 8-ին զոհվել է ՀՀ սահմանները պաշտպանելիս, մարտական հանձնարարություն կատարելու ժամանակ:

Քաղաքացի Անուշ Հայրապետյանը անօթևան է և իր երկու տղաների հետ միասին բնակվում է ազգականի տանը:

Վերջինս, որպես բնակարանային պայմանների բարելավման կարիք ունեցող ընտանիքի, Հայաստանի Հանրապետության կառավարության 2005 թվականի հունիսի 9-ի հ.947-Ն որոշմամբ հաստատված կարգի շրջանակներում 2010 թվականին վերցվել է հաշվառման՝ բնակարանային պայմանների բարելավման նպատակով:

Քաղաքացի Կարինե Խաչատրյանը հանդիսանում է զինծառայող՝ 1978 թվականին ծնված Արմեն Հովհաննեսի Խանամիրյանի մայրը: Վերջինս 1999 թվականի սեպտեմբերի 4-ին մահացել է զինվորական ծառայության ընթացքում:

Քաղաքացի Կարինե Խաչատրյանը անօթևան է և իր ծնողների հետ միասին վարձակալական հիմունքներով բնակվում է Աջափնյակի 16-րդ թաղամասի հ.41 շենքի հ.17 բնակարանում:

Վերջինս, որպես բնակարանային պայմանների բարելավման կարիք ունեցող ընտանիքի, Հայաստանի Հանրապետության կառավարության 2005 թվականի հունիսի 9-ի հ.947-Ն որոշմամբ հաստատված կարգի շրջանակներում 2013 թվականին վերցվել է հաշվառման՝ բնակարանային պայմանների բարելավման նպատակով:

Քաղաքացի Սիրվարդ Գրիգորյանը հանդիսանում է զինծառայող՝ 1952 թվականին ծնված Գրիգոր Հմայակի Գրիգորյանի կինը: Վերջինս 2005 թվականի մարտի 31-ին մահացել է զինվորական ծառայության ընթացքում ստացած հիվանդությունից:

Քաղաքացի Սիրվարդ Գրիգորյանը անօթևան է և իր աղջկա ու երկու թոռների հետ միասին վարձակալական հիմունքներով բնակվում է Խորենացի փողոցի հ.27 շենքի հ.78 բնակարանում:

Վերջինս, որպես բնակարանային պայմանների բարելավման կարիք ունեցող ընտանիքի, Հայաստանի Հանրապետության կառավարության 2005 թվականի հունիսի 9-ի հ.947-Ն որոշմամբ հաստատված կարգի շրջանակներում 2010 թվականին վերցվել է հաշվառման՝ բնակարանային պայմանների բարելավման նպատակով:

Քաղաքացի Անահիտ Սմբատյանը հանդիսանում է զինծառայող՝ 1967 թվականին ծնված Ռուբեն Ղուկասի Միրզոյանի մայրը: Վերջինս 1992 թվականի սեպտեմբերի 5-ին զոհվել է Մարտակերտի շրջանում մարտական գործողությունների ժամանակ:

Քաղաքացի Անահիտ Սմբատյանը իր տղայի՝ Արմեն Միրզոյանի, հարսի՝ Մարիա Գոքոբյանի և երկու թոռների Ռուբեն և Ինեսա Միրզոյանների հետ հաշվառված բնակվում է Լենինգրադյան

փողոցի հ.32 շենքի հ.41՝ 15.5քմ բնակելի մակերես ունեցող տարածքում, որը սեփականության իրավունքով պատկանում է իրեն:

Վերջինս, որպես բնակարանային պայմանների բարելավման կարիք ունեցող ընտանիքի, Հայաստանի Հանրապետության կառավարության 2005 թվականի հունիսի 9-ի հ.947-Ն որոշմամբ հաստատված կարգի շրջանակներում 2010 թվականին վերցվել է հաշվառման՝ բնակարանային պայմանների բարելավման նպատակով:

Քաղաքացի Զաբել Դուրգարյանը հանդիսանում է զինծառայող՝ 1959 թվականին ծնված Իսրայել Արշակի Ցամաքյանի մայրը: Վերջինս 1994 թվականի ապրիլի 5-ին զոհվել է Ադդամի շրջանում մարտական գործողությունների ժամանակ:

Քաղաքացի Զաբել Դուրգարյանը անօթևան է և 6 անձով բնակվում են Լենինգրադյան փողոցի հ.32 շենքի հ.41 բնակարանում, որը սեփականության իրավունքով պատկանում է իր հարսին:

Վերջինս, որպես բնակարանային պայմանների բարելավման կարիք ունեցող ընտանիքի, Հայաստանի Հանրապետության կառավարության 2005 թվականի հունիսի 9-ի հ.947-Ն որոշմամբ հաստատված կարգի շրջանակներում 2011 թվականին վերցվել է հաշվառման՝ բնակարանային պայմանների բարելավման նպատակով:

Քաղաքացի Սուսաննա Սահակյանը հանդիսանում է զինծառայող՝ 1971 թվականին ծնված Գագիկ Լավրենտի Գևորգյանի մայրը: Վերջինս 1994 թվականի մայիսի 3-ին զոհվել է Մարտակերտի շրջանում մարտական գործողությունների ժամանակ:

Քաղաքացի Սուսաննա Սահակյանը անօթևան է և բնակվում է Կիևյան 2-րդ նրբանցքի թիվ 12 հասցեում գտնվող բնակելի տանը, որի սեփականատերը եղբոր տղան է:

Վերջինս, որպես բնակարանային պայմանների բարելավման կարիք ունեցող ընտանիքի, Հայաստանի Հանրապետության կառավարության 2005 թվականի հունիսի 9-ի հ.947-Ն որոշմամբ հաստատված կարգի շրջանակներում 2011 թվականին վերցվել է հաշվառման՝ բնակարանային պայմանների բարելավման նպատակով:

Քաղաքացի Մարինե Պողոսյանը հանդիսանում է զինծառայող՝ 1962 թվականին ծնված Անդրանիկ Վոլոդյայի Բաղդասարյանի կինը: Վերջինս 1994 թվականի մայիսի 2-ին զոհվել է ՀՀ սահմանները պաշտպանելիս:

Քաղաքացի Մարինե Պողոսյանը անօթևան է և իր ընտանիքի 5 անձով՝ ինքը, երկու տղաները և երկու աղջիկները բնակվում են Արարատյան 1-ին զանգվածի հ.6 շենքի հ.46 բնակարանում, որի սեփականատերը վերջինիս ազգականն է:

Վերջինս, որպես բնակարանային պայմանների բարելավման կարիք ունեցող, Հայաստանի Հանրապետության կառավարության 2005 թվականի հունիսի 9-ի հ.947-Ն որոշմամբ հաստատված կարգի շրջանակներում 2012 թվականին վերցվել է հաշվառման՝ բնակարանային պայմանների բարելավման նպատակով:

Քաղաքացի Ռոման Խաչանովը հանդիսանում է զինծառայող՝ 1974 թվականին ծնված Կարեն Ռոմանի Խաչանյանի հայրը: Վերջինս 1994 թվականի հունվարի 21-ին զոհվել է ՀՀ սահմանները պաշտպանելու ժամանակ:

Քաղաքացի Ռոման Խաչանովը անօթևան է և բնակվում է Դավիթ Բեկի փողոցի հ.42/2 հասցեում գտնվող բնակելի տանը, որի սեփականատերը վերջինիս քույրն է:

Նա, որպես բնակարանային պայմանների բարելավման կարիք ունեցող, Հայաստանի Հանրապետության կառավարության 2005 թվականի հունիսի 9-ի հ.947-Ն որոշմամբ հաստատված կարգի շրջանակներում 2012 թվականին վերցվել է հաշվառման՝ բնակարանային պայմանների բարելավման նպատակով:

Քաղաքացի Լաուրա Աբրահամյանը հանդիսանում է զինծառայող՝ 1945 թվականին ծնված Սլավիկ Երեմի Խաչատրյանի կինը: Վերջինս 1992 թվականի օգոստոսի 5-ին զոհվել է Մարտակերտի շրջանում մարտական գործողությունների ժամանակ:

Քաղաքացի Լաուրա Աբրահամյանը անօթևան է և իր աղջկա ու երկու թոռների հետ միասին բնակվում է Գյուլիքելիյան փողոցի հ.25/2 հասցեում գտնվող հ.7 մեկ սենյականոց բնակարանում, որի սեփականատերը վերջինիս աղջիկն է:

Վերջինս, որպես բնակարանային պայմանների բարելավման կարիք ունեցող ընտանիքի, Հայաստանի Հանրապետության կառավարության 2005 թվականի հունիսի 9-ի հ.947-Ն որոշմամբ հաստատված կարգի շրջանակներում 2013 թվականին վերցվել է հաշվառման՝ բնակարանային պայմանների բարելավման նպատակով:

Քաղաքացիներ Մերուժան և Ալվինա Մարգարյանները հանդիսանում են զինծառայող՝ 1990 թվականին ծնված Զորիկ Մերուժանի Մարգարյանի ծնողները: Վերջինս 2012 թվականի ապրիլի 18-ին զոհվել է մարտական հերթապահության ժամանակ:

Քաղաքացիներ Մերուժան և Ալվինա Մարգարյանները իրենց ընտանիքի 5 անձով բնակվում են Մամիկոնյանց փողոցի հ.54 հանրակացարանային շենքի 28.0 քմ ընդհանուր մակերեսով հ.302, 303 սենյակներում, որոնց սեփականատերը Երևան համայնքն է:

Վերջիններս, որպես բնակարանային պայմանների բարելավման կարիք ունեցող ընտանիքի, Հայաստանի Հանրապետության կառավարության 2005 թվականի հունիսի 9-ի հ.947-Ն որոշմամբ հաստատված կարգի շրջանակներում 2013 թվականին վերցվել են հաշվառման՝ բնակարանային պայմանների բարելավման նպատակով:

Քաղաքացի Զուլիետա Մանսուրյանը հանդիսանում է զինծառայող՝ 1957 թվականին ծնված Հարություն Վահանի Հարությունյանի կինը: Վերջինս 1990 թվականի հունիսի 13-ին զոհվել է ՀՀ սահմանների պաշտպանության ժամանակ:

Քաղաքացի Ջուլիետա Մանսուրյանը անօթևան է և իր ընտանիքի 3 անձով՝ ինքը, աղջիկը և տղան բնակվում են Էստոնական փողոցի հ.12 շենքի հ.56 բնակարանում, որի սեփականատերը վերջինիս ազգականն է:

Նա, որպես բնակարանային պայմանների բարելավման կարիք ունեցող, Հայաստանի Հանրապետության կառավարության 2005 թվականի հունիսի 9-ի հ.947-Ն որոշմամբ հաստատված կարգի շրջանակներում 2013 թվականին վերցվել է հաշվառման՝ բնակարանային պայմանների բարելավման նպատակով՝ անհատույց պետական ֆինանսական աջակցություն ստանալու համար:

Քաղաքացիներ Լյուդվիգ և Ռաիդա Մինասյանները հանդիսանում են զինծառայող՝ 1968 թվականին ծնված Արամ Լյուդվիգի Մինասյանի ծնողները: Վերջինս 1992 թվականի նոյեմբերի 22-ին զոհվել է Լաչինի շրջանում մարտական գործողությունների ժամանակ:

Քաղաքացիներ Լյուդվիգ և Ռաիդա Մինասյանները անօթևան են և բնակվում են Խորենացի 3-րդ փակուղու հ.13 հասցեում գտնվող բնակելի տան մեկ սենյակում, որի սեփականատեր չեն հանդիսանում:

Վերջիններս, որպես բնակարանային պայմանների բարելավման կարիք ունեցող ընտանիքի, Հայաստանի Հանրապետության կառավարության 2005 թվականի հունիսի 9-ի հ.947-Ն որոշմամբ հաստատված կարգի շրջանակներում 2013 թվականին վերցվել են հաշվառման՝ բնակարանային պայմանների բարելավման նպատակով:

Քաղաքացի Լյուբա Ավետիսյանը հանդիսանում է զինծառայող՝ 1966 թվականին ծնված Արմեն Գուրգենի Ավետիսյանի մայրը: Վերջինս 1992 թվականի նոյեմբերի 19-ին մահացել է ՀՀ սահմանները պաշտպանելիս ստացած հիվանդությունից:

Քաղաքացի Լյուբա Ավետիսյանը անօթևան է և բնակվում է Բաշինջաղյան փողոցում՝ ազգականի տանը:

Վերջինս, որպես բնակարանային պայմանների բարելավման կարիք ունեցող, Հայաստանի Հանրապետության կառավարության 2005 թվականի հունիսի 9-ի հ.947-Ն որոշմամբ հաստատված կարգի շրջանակներում 2013 թվականին վերցվել է հաշվառման՝ բնակարանային պայմանների բարելավման նպատակով:

Քաղաքացիներ Փայլակ և Վերա Շահինյանները հանդիսանում են զինծառայող՝ 1975 թվականին ծնված Սամվել Փայլակի Շահինյանի ծնողները: Վերջինս 1994 թվականի հունիսի 20-ին զոհվել է ծառայողական պարտականությունները կատարելիս:

Քաղաքացիներ Փայլակ և Վերա Շահինյանները անօթևան են և իրենց տղայի՝ Դավիթ Շահինյանի հետ միասին բնակվում են Ն. Շենգավիթ 6-րդ փողոցի հ.31/2 հասցեում գտնվող բնակելի տանը, որի սեփականատերը վերջիններիս ազգականն է:

Նրանք, որպես բնակարանային պայմանների բարելավման կարիք ունեցող ընտանիքի, Հայաստանի Հանրապետության կառավարության 2005 թվականի հունիսի 9-ի հ.947-Ն որոշմամբ հաստատված կարգի շրջանակներում 2013 թվականին վերցվել են հաշվառման՝ բնակարանային պայմանների բարելավման նպատակով:

Զինծառայող Արտյուշա Ժորայի Այվազյանը ծնվել է 1949 թվականին: Վերջինս, 1991 թվականին զինվորական ծառայության ընթացքում ձեռք բերած հիվանդության պատճառով հանդիսանում է 1-ին խմբի հաշմանդամ:

Արտյուշա Ժորայի Այվազյանը իր ընտանիքի 7 անձով՝ ինքը, կինը, տղան, հարսը և երեք թոռները բնակվում են սպայական հանրակացարանային սենյակում, որի սեփականատեր չեն հանդիսանում:

Վերջինս, որպես բնակարանային պայմանների բարելավման կարիք ունեցող ընտանիքի, Հայաստանի Հանրապետության կառավարության 2005 թվականի հունիսի 9-ի հ.947-Ն որոշմամբ հաստատված կարգի շրջանակներում 2007 թվականին վերցվել է հաշվառման՝ բնակարանային պայմանների բարելավման նպատակով:

Զինծառայող Հովհաննես Վարուժանի Ավանեսյանը ծնվել է 1995 թվականին: Վերջինս 2013 թվականին ծառայողական պարտականությունները կատարելիս, ստացել է ողնաշար-ողնուղեղային համակցված գնդակային վիրավորում և հանդիսանում է 1-ին խմբի հաշմանդամ:

Քաղաքացի Հովհաննես Ավանեսյանը իր մայրիկի՝ Թամարա Ավանեսյանի հետ բնակվում են Շիրակի փողոցի հ.218, 216 հանրակացարանային սենյակում, որը սեփականության իրավունքով պատկանում է իրենց, սակայն հաշվի առնելով վերջիններիս բնակարանային պայմանների խիստ կարիքավորությունը, ինչպես նաև Հովհաննես Ավանեսյանի տեղաշարժման սահմանափակ հնարավորությունները, նպատակահարմար է գտնվել վերջիններիս բնակարանը փոխանակել 1-ին հարկում՝ Երևան համայնքի սեփականություն հանդիսացող բնակարանի հետ:

Զինծառայող Սարգիս Վանիկի Ստեփանյանը ծնվել է 1983 թվականին: Վերջինս 2014 թվականին ծառայողական պարտականությունները կատարելիս ստացել է վնասվածք և հանդիսանում է 1-ին խմբի հաշմանդամ:

Սարգիս Ստեփանյանը անօթևան է իր ընտանիքի 4 անձով՝ ինքը, կինը, և 2 զավակները բնակվում են Նուբարաշեն խճուղու հ.2 շենքի հ.5 բնակարանում, որտեղ հաշվառված բնակվում են ևս 6 անձ: Բնակարանը կարգավիճակ չունի:

Քաղաքացի Վարդանուշ Քոսակյանը հանդիսանում է զինծառայող՝ 1995 թվականին ծնված Արսեն Աբրեստի Կարապետյանի մայրը: Վերջինս 2015 թվականի մարտի 2-ին զոհվել է մարտական հերթապահության ժամանակ:

Քաղաքացի Վարդանուշ Քոսակյանը հանդիսանում է բնակարանային պայմանների խիստ կարիքավոր և ներկայումս վարձակալական հիմունքներով բնակվում է ազգականի տանը:

Քաղաքացի Արթուր Փափազյանը 1992-1993թթ. հատուկ գնդի կազմում մասնակցել է ՀՀ և Արցախի սահմանների համար իրականացվող պաշտպանական և ազատագրական մարտերին: Վերջինս պարգևատրվել է բազմաթիվ պատվոգրերով, իսկ 2010 թվականին ՀՀ պաշտպանության նախարարության կողմից՝ «Վազգեն Սարգսյան» մեդալով:

Ազատամարտիկ Արթուր Փափազյանը նաև բազմազավակ հայր է և իր կնոջ՝ Գայանե Փափազյանի հետ դաստիարակում է 8 երեխայի՝ 3 աղջկա և 5 տղայի: Փափազյանների բազմանդամ ընտանիքը բնակվում է Վարդաշեն 6-րդ փողոցի հ.66ա շենքի հ.523 հանրակացարանային սենյակում, որի ընդհանուր մակերեսը կազմում է 28.0 քմ և հնարավորություն չի տալիս տարասեռ երեխաների բնականոն զարգացմանը:

Քաղաքացի Արայիկ Հարությունյանը ՀՀ երկրապահ կամավորականների միության անդամ է, պահեստազորի կապիտան ազատամարտիկ: Վերջինս 1991-1993թթ. հատուկ գնդի «Քասախ» վաշտի կազմում մասնակցել է ՀՀ և Արցախի սահմանների համար իրականացվող պաշտպանական և ազատագրական մարտերին: Պարգևատրվել է բազմաթիվ հուշամեդալներով, իսկ 2014 թվականին ՀՀ Նախագահի կողմից՝ մարտական ծառայության մեդալով:

Արայիկ Հարությունյանի ընտանիքը 4 անձով, ինքը՝ Արայիկ Հարությունյանը, կինը՝ Արմենուհի Մխիթարյանը, տղան՝ Արմեն Հարությունյանը և դուստրը՝ Զարուհի Հարությունյանը փաստացի բնակվում են Արշակունյաց պողոտայի հ.24/6 հասցեում, որը ընդհանուր համատեղ սեփականության իրավունքով պատկանում է Արայիկ Հարությունյանին և Սվետլանա Ավագյանին: Բնակարանի բնակելի մակերեսը կազմում է 27.5 քմ, ինչը հնարավորություն չի տալիս նշված ընտանիքի անդամներին ունենալ բնակարանային մինիմալ պայմաններ: Վերջիններս հանդիսանում են բնակարանային պայմանների բարելավման խիստ կարիքավոր:

Հաշվի առնելով նշվածը, ինչպես նաև վերոնշյալ ընտանիքների բնակարանային պայմանների խիստ կարիքավորությունը, նպատակահարմար է գտնվել կայացնելու ավագանու համապատասխան որոշում, որը հնարավորություն կտա ապահովելու հիշյալ քաղաքացիների ընտանիքների կեցության համար անհրաժեշտ բնակարանային պայմանները:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

Տ Ե Ղ Ե Կ Ա Ն Ք

**«ԵՐԵՎԱՆ ՀԱՄԱՅՆՔԻ ՄԵՓԱԿԱՆՈՒԹՅՈՒՆ ՀԱՄԱՐՎՈՂ ԲՆԱԿԱՐԱՆՆԵՐՆ
ԱՆՀԱՏՈՒՅՑ ՕՏԱՐԵԼՈՒ ԵՎ ՓՈԽԱՆԱԿԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ
ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԱՌՆՉՈՒԹՅԱՄԲ ԱՅԼ ԻՐԱՎԱԿԱՆ
ԱԿՏԵՐԻ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ԿԱՄ ԲԱՑԱԿԱՅՈՒԹՅԱՆ ՄԱՍԻՆ**

Երևան քաղաքի ավագանու «Երևան համայնքի սեփականություն համարվող
բնակարաններն անհատույց օտարելու և փոխանակելու մասին» որոշման նախագծի
ընդունման առնչությամբ այլ իրավական ակտերի ընդունման անհրաժեշտություն չի
առաջանում:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

Տ Ե Ղ Ե Կ Ա Ն Ք

**«ԵՐԵՎԱՆ ՀԱՄԱՅՆՔԻ ՍԵՓԱԿԱՆՈՒԹՅՈՒՆ ՀԱՄԱՐՎՈՂ ԲՆԱԿԱՐԱՆՆԵՐՆ
ԱՆՀԱՏՈՒՅՑ ՕՏԱՐԵԼՈՒ ԵՎ ՓՈԽԱՆԱԿԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ
ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԿԱՊԱԿՑՈՒԹՅԱՄԲ ԵՐԵՎԱՆԻ
ԲՅՈՒՋԵԻ ԵԿԱՍՈՒՏՆԵՐՈՒՄ ԵՎ ԾԱԽՍԵՐՈՒՄ ՍՊԱՍՎԵԼԻՔ
ՓՈՓՈԽՈՒԹՅՈՒՆՆԵՐԻ ՄԱՍԻՆ**

Երևան քաղաքի ավագանու «Երևան համայնքի սեփականություն համարվող բնակարաններն անհատույց օտարելու և փոխանակելու մասին» որոշման նախագծի ընդունման կապակցությամբ Երևանի բյուջեի եկամուտներում և ծախսերում փոփոխություններ չի առաջանում:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

Հավելված
Երևան քաղաքի ավագանու
2015 թվականի հոկտեմբերի _____ ի
N _____ -Ա որոշման

h/h	Ձեռիված / կամ հաշմանդամ դարձած/ զինծառայողի ընտանիքի կազմը	Անձերի քանակը	Տրամադրվող բնակարանի հասցեն	Մենյակների թիվը
1	Ձեռիված՝ Ներսես Գրիգորի Բարբաբյան, դիմել է մայրը Վարդուհի Նադրյանը	1	Մխակյան փողոց հ.16, բն 4	1
2	Ձեռիված՝ Հարություն Գալուստի Շաշիկյան, դիմել է այրին՝ Էմմա Շաշիկյանը	1	Մարգարյան փողոց հ.37, բն հ.86	1
3	Ձեռիված՝ Ֆուրման Արկադիի Գեորգիյան, դիմել են ծնողները՝ Արկադի Գեորգիյանը և Գալինա Չարգարյանը	4	Մխակյան փողոց հ.16, բն 5	1
4	Ձեռիված՝ Տիգրան Եղիշի Հովհաննիսյան, դիմել է այրին Ռիտա Նավոյանը	2	Մխակյան փողոց հ.16, բն 133	1
5	Ձեռիված՝ Հակոբ Թովմասի Զիրիգյան, դիմել է մայրը Գրետա Զիրիգյանը	1	Մխակյան փողոց հ.16, բն 10	1
6	Ձեռիված՝ Կարեն Աշոտի Վարդանյան, դիմել է մայրը Մայրանուշ Սարգսյանը	2	Մխակյան փողոց հ.16, բն 3	1
7	Ձեռիված՝ Աղավնի Հարությունի Տեր-Ստեփանյան, դիմել է մայրը՝ Ժենյա Տեր-Սողոմոնյանը	2	Մխակյան փողոց հ.22, բն.17	2
8	Ձեռիված՝ Ռուբիկ Ջիվանշիրի Պետրոսյան, դիմել է այրին Չինա Բարսեղյանը	2	Մխակյան փողոց հ.16, բն 132	1
9	Մահացած՝ Վարազդատ Հայաստանի Ավագյան, դիմել է այրին Մարինե Ներսիսյանը	3	Մխակյան փողոց հ.16, բն 131	2
10	Ձեռիված՝ Սպարտակ Աշոտի Հակոբջանյան, դիմել է այրին Արմիկ Հակոբջանյանը	4	Մխակյան փողոց հ.22, բն.126	3
11	Ձեռիված՝ Անդրանիկ Էդիկի Հայրապետյան, դիմել է այրին Անուշ Հայրապետյանը	3	Մխակյան փողոց հ.16, բն 130	2
12	Ձեռիված՝ Արմեն Հովհաննեսի Խանամիրյան, դիմել է մայրը՝ Կարինե Խաչատրյանը	1	Մխակյան փողոց հ.16, բն 8	1
13	Ձեռիված՝ Գրիգոր Հմայակի Գրիգորյան, դիմել է այրին Սիրվարդ Գրիգորյանը	4	Մխակյան փողոց հ.22, բն.117	3
14	Ձեռիված՝ Ռուբեն Ղուկասի Միրզոյան, դիմել է մայրը Անահիտ Սմբատյանը	5	Մխակյան փողոց հ.16, բն 9	1
15	Ձեռիված՝ Իսրայել Արշակի Ցամաքյան, դիմել է մայրը Չաբել Դուրգարյանը	1	Մխակյան փողոց հ.16, բն 115	1
16	Ձեռիված՝ Գագիկ Լավրենտի Գևորգյան, դիմել է մայրը Սուսաննա Սահակյանը	1	Մխակյան փողոց հ.16, բն 121	1
17	Ձեռիված՝ Անդրանիկ Վոլոդյայի Բաղդասարյան, դիմել է այրին՝ Մարինե Պողոսյանը	5	Քանաքեռ 14-րդ փողոց հ. 40 շենք, բն հ.47	3
18	Ձեռիված՝ Կարեն Ռոմանի Խաչանյան, դիմել է հայրը՝ Ռոման Խաչանյանը	1	Մխակյան փողոց հ.16, բն 127	1

19	Չոհված՝ Սլավիկ Երեմի Խաչատրյան, դիմել է կինը՝ Լաուրա Աբրահամյանը	1	Սիսակյան փողոց հ.16, բն 128	1
20	Չոհված՝ Չորիկ Մերուժանի Մարգարյան, դիմել է հայրը՝ Մերուժան Մարգարյանը	5	Սիսակյան փողոց հ.16, բն 134	1
21	Չոհված՝ Հարություն Վահանի Հարությունյան , դիմել է կինը Ջուլիետա Մանսուրյանը	3	Սիսակյան փողոց հ.16, բն 124	2
22	Չոհված՝ Արամ Լյուդվիգի Մինասյան, դիմել է հայրը՝ Լյուդվիգ Մինասյանը	2	Սիսակյան փողոց հ.16, բն 116	1
23	Չոհված՝ Արմեն Գուրգենի Ավետիսյան, դիմել է մայրը՝ Լյուբա Ավետիսյանը	1	Մարգարյան փողոց հ.45, բն հ.5	1
24	Չոհված՝ Սամվել Փայլակի Շահինյան, դիմել են ծնողները՝ Փայլակ և Վերա Շահինյանները	3	Սիսակյան փողոց հ.16, բն 112	2
25	Չինծառայող՝ Արտյուշա Ժորայի Այվազյան	7	Սիսակյան փողոց հ.22, բն.124	3
26	Չինծառայող՝ Հովհաննես Վարուժանի Ավանեսյան	2	Սիսակյան փողոց հ.16, բն 6	2
27	Չինծառայող՝ Սարգիս Վանիկի Ստեփանյան	4	Սիսակյան փողոց հ.16, բն 1	2
28	Չոհված՝ Արսեն Ապրեստի Կարապետյան, դիմել է մայրը Վարդանուշ Զոսակյանը	1	Սիսակյան փողոց հ.16, բն 15	1
29	Ազատամարտիկ՝ Արայիկ Ֆրունզի Հարությունյան	4	Սիսակյան փողոց հ.16, բն 123	2
30	Ազատամարտիկ՝ Արթուր Իշխանի Փափազյան	10	Քանաքեռ 14-րդ փողոց հ. 40 շենք, բն հ.27	3